

四庫全書

集部

欽定四庫全書

儼山集卷二十二

明 陸深 撰

樂府三 一百三首

大賀詞八首 乙丑

青宮潛德通元氣
先帝深仁釀太和
文武兩階初拜舞
應知寶歷萬年多

鹵簿前陳法
駕高司晨燎火雜
蘭膏千官瞻仰
新天子

五色雲中覆赭袍

巍巍帝德足光前寶歷中天第七傳聽得臣民私慶語
不須明日更勞煎

洞門法禁夜方中燈火煌煌動鼓鐘閣道淡陰連御幄

祥雲應解識真龍

時有淡雲
瞳矓斗月

奔趨萬國歸新主次第千行列舊臣正值一陽初動後

時登極
正子時和風甘雨遍青春

鴻臚聲肅漢官儀環珮珊珊滿玉墀黃道重開新氣象

齊歌天保答恩私

星星寶炬列高樓
恩詔泥封在上頭
忽聽半空宣讀罷
嗚呼聲裏玉闌浮

字字親將惠澤頒
十分湔洗到愚頑
先皇多少心中事
丹鳳銜來一紙間

丙寅元旦待漏

參橫斗轉曉相將
迢遞宮門漏水長
不見滿朝環珮響
坐彈冰淚憶先皇

接駕

曉日瞳瞳劍戟森
五雲宮殿鎖深沈
侍臣候立頻回首
傳道鑾輿幸上林

素履齋

新裁紙帳木綿裘
曲几圍屏事事幽
明月射窻殘雪霽
夜深人在水晶樓

隋宮詞二首

螺黛朝朝吏散來
粧殘猶展鏡奩開
門前報道宮車過

不似輕塵拂面回

金鎖黃昏知幾重
夢回疎影月簾攏
笙歌別殿承恩寵
半露春衫蜥蜴紅

端午詞二首

碧青艾葉倚門斜
寂寞深宮有底邪
幾度思量背同伴
暗分醜水引羊車

石青蜥蜴泥金虎
五色綵絲長命繩
白髮宮監催拜賜
含嬌時許未能勝

江東竹枝詞四首

黃浦灣灣東轉頭吳淞江下碧如油不用并州剪刀快
水晶簾下上西樓

二月春風滿地鋪茅針蘆筍一齊麕海門東來春潮上
春水連潮漫白塗

濱口航船一字幫櫂歌和起自成腔潮來上南潮落北
南到湖南北到江

明月垂楊獨樹橋西熟酒好良宵紅香細剝鶯哥嘴

嫩白鮮羹玉麪條

步虛詞四首

晴日暖風吹紫霞
西巖開遍碧桃花
仙家只住巖西畔
水水山山遮又遮

風露滿山深翠微
暗塵不上芰荷衣
夜來拄杖成龍去
斜倚枯藤送落暉

芙蓉花下石闌干
茅屋空山生早寒
養得一雙朱頂鶴
有時騎向碧雲端

谿後谿前路百盤白雲常護禮星壇麻姑使者傳書到
一派簫聲雙紫鸞

鼇峯草堂歌十首

閩山南去是鼇峯鼇峯草堂多卧龍春隨花路八千里
天鎖煙霞十萬重

谷口子真歸計成少陵老人歌北征五月南風吹海雨
碧山無數荔枝明

御堤楊柳春日遲折盡長條更短枝天上初拋祠部祿

山中誰送草堂賢

平生最愛方思道方外更交孫太初作吏隱居非我意

南巡新上萬言書

早年慕道世情疎乞得青山背郭居不為登樓賦王粲

文園真有病相如

北來京國住三年南去青山得似前試問孤猿與孤鶴

為誰消瘦為誰憐

新裁道服綠羅寒別有烏霞製作冠後夜相思長瑣月

酒徒詩伴滿長安

山公啓事孰當前
宣室求才誰少年
一路桃花春水漲
皁旗唯送得歸船

羣策先皇一網收
虎頭高選重龍頭
相知賴有倪寬在
與汝一時成去留

莫倚高歌莫著書
秋風病骨夜窻虛
海門近傍鼇峯起
錦字封題候鯉魚

元旦試筆二首和柴德美

天門次第列中官御幄含風春尚寒拜罷兩班文共武
相逢屈指計迎鑾

帝德唯天仰日新聖經書法重王春青陽應律方東令
翠輦臨邊正北巡

書扇

露下瑤空鴈有期高樓凝望已多時隔江一片芙蓉樹
欲采紅芳寄所思

寄江都舊友

平山堂外蜀岡長十里樓臺隱夕陽更愛綠谿茅屋好
與君相約住維揚

節婦吟

深閨獨抱舊分銅淚逐黃昏怨曉風惟有五更孤枕夢
尚將膏沐到飛蓬

閨詞四首

背人憔悴轉迴廊試折花枝比淡粧不忍問春深幾許
芭蕉新綠過東牆

水閣看花怕到遲
白羅團扇手忘持
多情更向侍兒說
庭院深深稱賭碁

晚粧重整翠花鈿
滿指蘭膏試碧泉
欲向姮娥訴恩怨
人間天上共孤眠

薰籠百和曉粧殘
起探陰晴遶石闌
折得梅花無寄處
自憐纖指怨深寒

又閨詞四首

庭鏤繁花晝景長
繡針刻畧記春光
行天嫌殺金烏嬾

到得黃昏怯上床

池館殘粧坐晚涼
自將金彈打鴛鴦
打得鴛鴦各飛去
白蓮花度並頭香

簾下風來月影過
蕭蕭梧葉下庭柯
起看鳳歷論時令
夜刻如今未當多

嬌娥自畫曉鴉蟠
獨對梅花拄頰看
直到夜深眠不得
衾籠芸火闕嚴寒

縣齋春宴

蓬萊方丈像三山
舞象馴獅効百蠻
人自東郊向南郭
春從天上到人間

清河東渡

乳鴨苗魚促刺稠
紫茸翠帶弄輕柔
渡船人語回風細
疑是江南小埠頭

王兵憲于澤以二力士送予遣還二首

雕弓羽箭爛銀鞞
白馬朱纓錯繡鞍
踏雪護行三百里
一行騎射萬人看

紅袍白面好兒郎
燕趙豪華獨擅場
贈汝長纓三百尺
樓蘭西去縛名王

臨城道中

寒雅成陣掠疎林
晴雪峯頭弄夕陰
憶向小窻茶竈下
李成一幅論千金

逢方仲敏侍御二首

花驄高載璽書行
憶在華亭政有聲
塵土相逢渾不識
聊從陌上各通名

依依把袂逐多情為問何時下玉京
報道聖躬添萬壽
南郊大禮慶初成

沛縣二首

人言捧土塞黃河丞相開河怨亦多
曉日卧龍岡上望
白沙如繡湧層波

山東列郡盡王臣漢室公卿俱負薪
侍臣欲獻河清頌
天運中興屬聖人

南旺湖

南旺湖中水接天南旺湖上多漁船
榔聲刮地風聲急
赤鯉烏魚不論錢

遂菴挽歌二首

出當紫塞入黃扉
重去重來復暫歸
今日竟從何處去
長江空遶萬山圍

金書鐵券是何時
空復人傳翰墨師
唯有銘旌題道號
更無一字上豐碑

扈蹕詞三十二首

保定候駕四首

翼善衝天白玉絛團龍鞞繡赭黃袍山陵南去二千里
紫氣紅塵一騎高

乘鸞跨鳳貫魚隨日射行宮近午時密密柱頭黃幄豎
重重軒蓋繡簾垂

師保公侯列署分勅書先下兩將軍清塵雨歇祥風動
抱日常瞻五色雲

畫衣楚楚間青黃僉點民間俊秀郎未到御前先教習

遞分班次列成行

呂堰道中

四際天垂夜氣凝
平坡十里萬枝燈
風迴遠戍三更漏
問訊行宮膳未曾

博望道中

天際紅雲捧節旄
襄陽大堤三丈高
宿雨平添漢江水
軍門傳向裕州朝

奉旨三品乘轎

車行歷碌騎行徐早晚誰來問起居聖旨分明優老大
特教三品用肩輿

南陽

金字黃旗隊隊過雲霓偏傍六龍多星聯火炬南陽道
不到黃昏渡白河

鄭州道中二首

宿雨豐泥燕子飛客心迢遞送春歸江河嵩少俱從幸
麥浪翻空柿葉肥

節物驚心去日多功名無奈白頭何
中興天子思豐沛
一月官程兩渡河

候駕渡河二首

豹旛雉尾午風和萬乘時巡南渡河
千尺樓船龍出峽
擢聲齊和太平歌

三月一日春水波縠紋苔滑送黃河
六龍自有風雲翼
飛度中流一睫過

駕渡河二首

積雨新晴河水平
龍舟鳳舸午風輕
周王八駿空馳驟
大禹三門正告成

水濶風恬曉露濃
半空雲氣盡成龍
萬方無事君王聖
河伯陽侯次第從

恭和聖製渡河餘字二首

渺渺長河萬里餘
昔年清澈見游魚
太平天子南巡日
穩渡龍舟似板輿

天皇樓船百尺餘
波神送喜湧蜚魚
省方問俗勤王政

白叟黃童捧帝輿

曉過御茶房

扎下行廚按四方
嫩黃幃幙下金床
太陽出海高三丈
照見流蘇五色光

保安道中大風

漢王豐沛壯心多
今上襄樊特地過
花柳盡迎紅日近
山雲重起大風歌

博望道中小雨

靠著青松列兩行

駕還

朝門南上紫坡陀燈火叢中玉輦過
內侍雙吹金竇篥教坊齊唱御鑾歌

迴鑾歌四首

雨餘江漢長波瀾日照山峯起鳳鸞
九鼎已成勞駐蹕萬方歡喜頌回鑾

謁廟辭陵不盡情從官有旨許先行
獻皇開國分南楚

成祖遷都奠北京

御筆分程意最深相兼七日到河陰凡情亦有思鄉急
何況君王社稷心

舊路重經不厭多龍舟銜尾俟黃河天心却與人心合
若比來時氣更和

泊黃河二首

元帥旌旗護六飛河南河北盡光輝追趨侍從聯舟發
歡喜都人大駕歸

兼程通夕雨還風却望行宮信未通文武先行遵詔旨
好浮新霽鏡光中

趙州聞栢鄉駐蹕

迴鑿分日第郵程御輦常兼四站行聖旨特憐人馬乏
栢鄉駐蹕道樂城

良鄉行宮候駕

青山疊疊遶行宮萬騎千官四面風綵繡趨蹌燈影下
旂常搖曳月明中

發良鄉

紅日西飛白馬東錦袍織帶從官同親知相見如相問
日有新詩紀聖功

桂洲夜宴出青州山查薦茗色味佳絕

巖背山椒一萬株青州糖毬天下無火龍行雨歸東海
拋却紅明領下珠

張家灣權歌四首

當年海運數朱張灣泊帆檣正渺茫幫着權船愁水澁

隔艙相喚剝南糧

轉灣脫塹水生衣
惆悵輕船載月歸
約畧寄居三百石
盡拈香紙禮天妃

百年漕運最稱能
今歲河洪見未曾
司馬中丞新領勅
聖神天子坐中興

張灣水出北山頭
十里洪身九里洲
惟有老漁知進退
深灘撒網淺灘犁

天津擢歌六首

擘除軍餉顧長夫北上南來愁直沽十隻畫船如屋大
火忙飛票報前途

垂楊覆水晚湖平
箛笠蓑衣一櫂輕
何處官船初解纜
抄關給廩唱花名

滿船簫鼓載春歸
燕子銜泥掠岸飛
楊柳風多黃鳥健
桃花水漲白魚肥

拍拍襟懷潏潏身
南來北去盡通津
何如平地千層浪
無影無形愁殺人

船頭青雀碧紗幃
檣上黃旗獵獵飛
中貴少年紆蟒玉
南京差遣進龍衣


一溝黑馬百泉東
萬里黃河五月終
南運未離淮海岸
北船難上呂梁洪

送鶴池出鎮貴陽擬鏡歌二首

將軍開閭向西南
文淵孔明今成三
草綠轅門春晝永
磊落兵談如手談

漢武開邊到渥洼
張騫奉使上星槎
何如將軍今日去

蹠躩龍駒爛五花



儼山集卷二十二

欽定四庫全書

集部

儼山集卷二十三
七

詳校官庶吉士臣李如筠

中書臣劉源溥覆勘

總校官庶吉士臣何思鈞

校對官助教臣卜惟吉

謄錄舉人臣蔣雲師

欽定四庫全書

儼山集卷二十三

明 陸深 撰

樂章

六十二首

恭擬太祖高皇帝孝慈高皇后上冊樂章

迎神

惟皇高祖英靈在天神功大化裕後光前寢廟儼若音
容俊然竭我孝思以格于重玄雲車龍馭髣髴盤旋與

乾元同運何萬斯年肅以政予若有見焉永佑予小子
對越虔虔

初獻

俎豆既陳酒醴維清既戒既慄明德允升孝孫始奠庶
展精誠鴻稱徽號聽于無聲昭格可冀綏我思成

亞獻

載酌載獻惟聖顧歆庭陳萬舞樂備八音端冕有恪以
表予一心靈風習習祗拜欽欽大禮斯舉有士有林

終獻

神降伊邇終秩有嚴三爵既右百禮具瞻惠我多福以讓以謙罔極難報感懼載兼洋洋皇祖如見兮厭厭

徹饌

奠獻既備敬徹不遲亦有餘休默鑒在茲肅雍顯相益秉孝思我祖我妣惠我恩慈仰德無替終事有儀

還宮

祀事孔明神休滋錫孝孫有慶法宮云適心虔體和禮

嚴境寂景雲祥風荏苒翬翟撫此瑤圖永膺寶歷於萬
斯年過廟必惕

戊戌秋明堂禮成慶成宴樂章七首

萬歲樂

風調雨順秋光好啓明堂吾皇有道尊親饗帝多仁孝
際昌期成大報

朝天子

宮懸繡簾黼座黃金殿雕龍彩鳳簇瓊筵湛露初霑宴

堯舜重逢唐虞再見五雲天
御鑪煙遙瞻聖顏雉尾開
宮扇
水龍吟

五色祥雲擁六龍
開禁殿列臣工
主恩皇澤禮樂象成
功
文華物采極天風
動萬國來朝貢

一奏開明堂之曲

大禮候昌朝
崇孝敬
正宗祧鈞天聲
裏韻簫韶金殿凌
雲切紫霄
聖君萬壽臣節百僚
願上華封謠
仰祝唐堯

四邊靜

國祚萬年禮樂重光一統天玳瑁筵麒麟殿瑞靄祥煙
聖主開恩燕

鳳鸞吟

時文聖明運中興道太清業敷天功扶世治化昇平和
神人靖邊境敘彞倫協咸英一德秉精誠璇衡齊七政
享明堂大典斯成奠玉帛潔粢盛安神靈兆休應報深
恩罔極難名

萬歲樂

鵷聯鷺序臣拜舞荷醲恩躬逢聖主配天勲業高千古
同聲祝文共武

戊戌冬至南郊禮成慶成宴樂章四十九首

萬歲樂

五百昌期嘉慶會啓聖皇龍飛天位九州四海重華日
大明朝萬萬世

朝天子

滿前瑞煙香繞蓬萊殿風回韶律鼓淵淵列陞旌旗絢

日至朱躔陽生赤殿氣融和
徹上玄歷年萬千長慶天
宮宴

水龍吟

寶殿金鑪瑞靄浮
陳玉案列珍羞
天花炫彩照耀翠雲
裘鸞歌鳳舞
虞廷樂奏萬歲君王壽

一奏上萬壽之曲

聖主垂衣裳興禮樂邁虞唐
簫韶九成儀鳳凰
日月中天照八荒
民安物阜時和歲康
上奉萬年觴
胥祚無疆

四邊靜

天啓嘉祥聖主中興正紀綱頌洋洋功蕩蕩國運隆昌
萬載皇圖壯

鳳鸞吟

維皇上天佑聖明景命宣五雲輝三台潤七緯光懸協
氣生嘉祥見正萬民用羣賢垂袞御經筵宵衣勤政殿
禮園丘大祀精虔明水潔蒼壁圓秉周文承殷薦眷皇
家億萬斯年

二奏仰天恩之曲

皇穹啓聖神欽乾運祗郊裡一陽初動霽先春萬福來
同仰至仁祥開日月瑞見星辰禮樂協神人宇宙咸新

水龍吟

春滿雕盤獻玉桃葭管動日輪高熹微霽色遙映哀龍
袍千官舞蹈鈞韶迭奏曲度昇平調

水龍吟

紫禁瓊筵煖應冬驂八螭乘六龍玉卮瓊斝歡座獻重

瞳堯天廣運舜雲飛動喜聽賡歌頌

太清歌

長至日開黃道喜乾坤佳氣陽長陰消奏鈞韶音調鳳
軫律協鸞簫仰龍顏天日表如舜如堯金鑪煙煖御香
飄玉墀晴霽祥光繞宮梅苑柳迎春好燕樂蓬萊島

上清歌

雲捧宸居五星光映三台麗仰日月層霄霽日月層霄
霽中興重見唐虞際太和元氣自陽回兆姓歡愉

開天門

九重霄日轉皇州繞燕天家共歌魚藻龍鱗雉尾彩雲
高祝聖壽慶清朝

御鑾歌

雅奏樂昇平瞻絳闕集瑤京黃童白叟喜氣盈謳歌鼓
舞四海寧金芝結秀玉樹含英聽康衢擊壤聲帝力難
名

賀聖朝

華夷一統萬國來同獻方物修庭貢遠慕皇風自南自
北自西自東望天宮佳氣鬱重重四靈畢至麟鳳龜龍

殿前歡

瑞雲晴靄浮宮殿一脈陽和轉禮成交泰開周宴鳳笙
調龍幄展天心感格人歡忭四海謳歌遍

慶豐年

賴皇天錫豐年勤禹稼力舜田喜慰三農願嘉禾秀瑞
麥鮮賦九州貢八埏神倉御廩咸克滿養民以養賢

新水令

聖德精禋格昊穹一大統四夷來貢玉帛捧文軌同世
際昌隆共聽輿人頌

太平令

誕明禋天監元后光四表惠澤周流來四裔趨前擁後
獻萬寶克庭盈囿稽首頓首天高地厚祝聖人多男福
壽

三奏感昊德之曲

昊德運光明一陽動萬物生升中大報蒼壁陳禮崇樂
暢歆太清星懸紫極日麗璇庭乾坤瑞氣盈海宇安寧

新水令

五雲深護九重城感洪恩一人有慶陽初長禮方行帝
德文明表率家邦正

水仙子

萬方安堵樂康寧九域同仁荷聖明千年撫運承天命
露垂甘河獻清見雙岐秀麥連莖喜雪隨冬應觀祥雲

拂曙生神與化並運同行

四奏民樂生之曲

大報禮初成象乾德運皇誠神州赤縣永清寧靈雨和
風樂太平陰陽交暢品物咸亨元化自流行允殖羣生

水龍吟

五色祥雲捧玉皇開閭闔坐明光鈞天樂奏冬日御筵
張文恬武熙太平氣象人在唐虞上

水龍吟

玉律陽回景運新
燕鎬京藹皇仁光
昭雲漢一氣沸韶
英錦瑟和聲瑤琴
清韻瞻仰天顏近

太清歌

萬方民樂時雍
鼓舞荷天工雷行
風動喜今逢南蠻
北貊東夷西戎來
朝貢大明宮星羅
斗拱九重天上六
飛龍五色雲間雙
彩鳳普天率土效
華封允協河清頌

慶太平

惟天眷我聖明
禮園丘至德精誠
乾元永清洪膺景
命

休徵應泰階平

千秋歲

聖主乘龍御萬邦
慶雲翔化日重光
羣臣拜舞稱壽觴
載歌天保章

滾繡毬

五雲車度九重利
見飛龍耀袞章
火藻華蟲擊虎
啟考
鳧鐘鼉鼓逢逢八珍列
九鼎豐隆堯眉揚
彩舜重瞳萬
國咸熙四海雍
齊歌頌聖德神功

殿前歡

萬年禮樂中興日大化觀重熙河清海晏臻祥瑞五行
順七政齊超三邁五貞元會既醉頌鳧鷖

天下樂

萬靈朝拱接清都享南郊欽天法祖願聖人承乾納祐
中和位育龜範馬陳圖

醉太平

醉樂萬年規謳歌四海熙衣冠蹈舞九龍墀麗正仰南

離紫雲高捧唐虞帝垂衣天下文明治鎬烏岐鳳呈嘉
瑞真箇是人在成周世

五奏感皇恩之曲

雙闕五星光霓旌樹紫蓋張璇臺玉歷轉新陽鈞天廣
樂諧宮商恩深露湛喜溢霞觴日月煥龍章地久天長

六奏慶豐年之曲

聖主懋承乾綏萬邦屢豐年神倉御廩登大田明棗鬱
鬯祀孔虔輿情咸豫協氣用宣萬古帝圖傳璧合珠聯

七奏集禎應之曲

天保泰階平寶露降渾河清嘉禾秀麥集休禎遐陬絕
域喜氣盈一人有慶百度惟貞萬國頌咸寧麗正重明
八奏永皇圖之曲

鎬燕集天京頌魚藻歌鹿鳴邊郵安堵萬邦寧重譯來
庭四海清咸池日暘昧谷雲征帝座仰前星豫大豐亨
九奏樂太平之曲

皇極永登祥乾符啓泰運昌玉管回春動一陽金鑿錫

宴歌九章虞廷獸舞岐山鳳翔日麗袞龍裳主聖臣良

水龍吟

香霧氤氳紫閣重仰天德瞻帝容星輝海潤甘雨間和
風樂比鳶魚瑞呈麟鳳永獻卷阿頌

水龍吟

萬戶千門啓建章台階峻帝座張三垣九道北斗玉衡
光元氣調和雅韻鏗鏘昭代慶明良

太清歌

萬方國盡來庭稽首歌帝仁仰荷生成振乾綱陰陽順
序民物樂生逢明聖萬年春永膺休命華夷蠻獠咸歸
正蒼生至老不知兵鼓腹含哺誦太平九有享清寧

萬歲樂

太平天子興隆日履初長陽回元吉醴泉芝草休徵集
曾聞道五星聚室

賀聖朝

一人元良百度惟新握赤符疑玄應享太清大禮方行

祀事孔明感天心億載恒承慶明王慎德四夷咸賓

醉太平

星華紫殿高雲氣彤樓繞九夷重譯梯航到皇圖光八
表玉宇無塵明月皎銀河自轉扶桑曉平平蕩蕩歸王
道百獸舞鳳鳴簫韶

看花會

普天下都賴吾皇至聖看玉關頻歛天山已定四夷效
順歸王命天保歌羣黎百姓

天下樂

九重樂奏萬化開望龍樓雲蒸霧藹仰天工雍熙帝載
臣民歡戴溥仁恩遍九垓

清江引

黃鍾既奏陽和長德感天心貺人文日月明國勢山河
壯衢室民謠頻擊壤

清江引

鈞天畢奏日方中既醉歡聲動雲章傍袞龍颺勢翔威

鳳萬方安樂興嘉頌

千秋歲

上下交歡燕禮成一陽奮萬景咸亨風雲會合開明運
紫極轉璇衡

朝天子

文班武班歡動承明殿禮成樂備頌聲喧真咫尺仰天
顏日照龍鱗風回雉扇翠蕤旋奉仙鑿雲間斗間五色
奎章燦

萬歲樂

天回北極雲成瑞望層霄重華日麗九垓八極樂雍熙
祝聖壽萬萬歲

儼山集卷二十三

欽定四庫全書

儼山集卷二十四

明 陸深 撰

詩餘 三十二闋

念奴嬌 疊韻壽桂洲

天下奇才算蛟龍終不是池中物妙小文章驚海內秀
氣降生東壁八柱擎天三長冠世節操逾冰雪神仙宰
相元來同是人傑 同朝瑞靄籠蔥蓬萊閬苑青鳥翩

翩發報道桑田還變海銅狄要看磨滅赤暑全消金風
初動進賢冠上髮况堪心事一片長安秋月

念奴嬌

同費鐘石宗伯再
和桂洲扈駕南巡

六飛南下大河上多少禎祥雲物紫氣平明浮水面向
晚更穿奎壁畫舫盤龍樓船綵鳳兩岸沙如雪開頭揆
施長年也是人傑休誇碧漢銀潢天上人間一派靈
源發界斷華夷奔大海島嶼煙波明滅一曲一千三門
三級驚起冠中髮聖人康濟太史大書年月

念奴嬌

與甬川鐘石同宿
楊園再次前腔

半途微雨為灑淨滾滾風塵中物一帶青山如畫裏咫尺層巒疊壁吏部副卿南宮少伯清映如冰雪白頭老我三十年前爭傑而今扈駕朝陵白馬銀鞍紫陌聯翩發尋得山莊勞下榻共剪燭花明滅香霧撲簾茶煙隔座相對頻搔髮同胞異姓真個渾忘歲月

念奴嬌

秋日
懷鄉

大江東去是吾家一段畫笥中物襟帶五湖吞百瀆說

甚黃州赤壁兩岸蘆汀一灣柳浪海湧潮頭雪蒼浪聲裏
漁翁也是豪傑 明年准擬歸來輕舟短櫂兩腋清風
發春水穩如天上坐閒看浮漚興滅黃歇穿沙袁崧築
壘到處堪晞髮鱸魚蓴菜一任江天歲月

念奴嬌

秋日懷鄉
再和介翁

秋風客裏消不盡胷中許多長物瘦骨稜層才一把與
病戰成堅壁欲造河車旋營丹竈贏得頭如雪尋山碎
穀算來他是豪傑 一生四海交遊浮沉聚散長嘯從

風發惟有鈴山巖少保不共世情磨滅藜閣相輝木天
同上當日俱青髮綈袍戀戀多應念我寒月

念奴嬌

和錢文通
公小赤壁

江山闌入想安排真箇有那神物誰遣是非泥印定天
際一般赤壁馬援懷珠燕人抱石此意憑誰雪曹劉成
敗旁觀輸與豪傑 謾說吳國山川陸家池館征鴈和
雲發紫岫丹崖高百尺落日淡煙明滅二俊才名長公
英邁一夜俱華髮天公堪訴照人惟有圓月

風入松

和桂洲內閣賞芍藥用虞文靖公韻

絕勝國色帶朝酣
偏稱膽瓶簪
清巖開向絲綸閣
容誰駐
墻外遊驂笑靨露
勻
臉粉衣裳霞想羅衫
黃金屋
角繡雲藍乳燕學呢喃
試把一盃黃粟酒
倚闌封罷紫泥
槭一段太平氣象
分明冀北燕南

風入松

再填前腔送桂洲

離筵高興付餘酣
暫得解朝簪
路出齊封三宿晝
未須鞭快著
征驂兩岸山橫畫障
一川水膩羅衫
終朝不

采滿筐藍話別語喃喃一把相思無處著欲憑鴈足寄
雙槭自是煙霄有待怕飛不到江南

風入松

再和
桂洲

綠窻午枕睡初酣夢喜脫朝簪覺來猶是長安客垂楊
裏空繫歸驂戀主心依曉闕思親淚濕春衫玉河流
水碧於藍花外燕呢喃新詞譜就憑誰和重封罷親手
題緘欲待天邊鳴雁秋風寄與江南

木蘭花令二闋

初夏
即事

清明時候催花雨，又早是紅英辭樹。惜惜情思，碧紗厨
睡起，槐陰最深處。衷腸沒箇人堪語。屈指流年，暗中
數。無奈雕梁紫燕兒，春社飛來，秋社去。

二

綠油擁蓋張槐雨，繁英簇絳燒榴樹。無限幽懷，午夢餘
憶在江南水風處。家書題後，教傳語，新種魚苗正堪
數。荷錢竹粉更關心，戀著君恩未歸去。

減字木蘭花

新居
雨後

踈窻小閣銀燭搖紅簾影薄院宇深沈雨送新涼抵萬
金 休休驀驀一任那知身是客茗椀爐薰雲裏更籌

次第聞

醜奴兒四闋

咏閣前芍藥

紅芍開向絲綸閣裊裊停停人比花清倚檻揮毫九制
成 不枉芳名呼近侍遶殿流鶯槐蟻初醒傍砌頻經
勅使行

二

白玉闌干紅芍藥黃閣前軒一朶嬋娟封罷詞頭仔細
看幾番過了風和雨避却塵喧紅紫將闌開向鈞天
倚蓋園

三

黃扉紅藥翻堦好要賞娉婷日暖風清幾闋新詞按譜
成莫道春光留不住尚賴啼鶯半醉半醒起向花前
緩步行

四

問花底事花無語倚徧南軒香沁瑤娟手撚高枝著眼
看養花天氣陰晴半雲翳風喧默默凭闌彈指年光
作轉園

天仙子

咏雪

鬧夜冰花輕不定撲上窻兒如寄信灞橋橋外望青山
高一陣低一陣霎時白了詩人鬢是則是遠近都難
認路入藍關人嬾進青帘斜壓酒壚空描不盡題不盡
平沙留取飛鴻印

蝶戀花

和道州
周希旦

長安回首香塵杳紅日迢遙偏愛無情惱病鶻高風看
去鳥欲奮雲霄無利爪柳暗溪頭荷葉小淑景方濃
燕子雕梁遠彈缺計程何日了萋萋官路王孫草

點絳脣

冬日
懷鄉

千尺京塵斜陽沒處西風弄小樓夜永鐵馬丁當動
襯貼愁懷那更寒籌送淚痕凍天涯不了遮斷還鄉夢

點絳脣

送縣侯張八
峯行取進京

縣遠清江桃花紅處春波綠畫欄曲曲風動簾紋感

鎮日鳴琴有个人如玉煩推轂鶴書高薦選入黃金屋

浪淘沙

寒夜
齋居

寒漏夜遲遲緊閉柴扉破窻風透暗絲絲半滅瓦燈書
滿案獨自支頤 惆悵少年時沒箇人知紙屏剛有影
追隨滴滴淚痕彈不了一把相思

青杏兒

寒夜
齋居

爐燼更拈香小窻裏百結柔腸天涯踏遍塵千里仲宣

樓遠正平刺沒薄行襄王
默默護新粧堪憐處花老
釀蜂忙萬事轉頭供一笑
蕭蕭紙帳圓圓燈暈短短藤
床

謁金門

送縣侯曹孟
輝行取進京

秋正好一路西風吹早柳
條折盡青山小咫尺長安道
此去蓬萊三島袖裏常懷諫
草要看風神驚八表動

搖山嶽倒

踏莎行

二孫
瑒

半捲湘簾落花時候六幅畫屏圍永晝天關目斷是江
南家書一紙開封後只恁蘭香堪憐玉秀一番愁絕
愁還又居人已鑄鐵心腸聽來却怕行人瘦

浣溪沙

都下
思家

綠送蛟冰出御溝黃回鵝柳覆朱樓一場春睡替春愁
踪跡似鴻渾未定歲華如水只東流家住青山碧海頭

長相思二闋

次
韻

山悠悠水悠悠山水中間一段秋扁舟古渡頭
過芳

洲又芳洲更好登臨散遠愁誰家竹裏樓

日悠悠月悠悠光景驅人春復秋驚看白了頭
憶沙洲夢沙洲無數鄉心無數愁天邊王架樓

南鄉子四闋

馮延巳

細雨濕流光芳草年年與恨長煙鎖鳳樓無限事茫茫
鸞鏡鴛衾兩斷腸魂夢轉悠揚睡起楊花滿繡牀薄
倖不來門半掩斜陽負你殘生淚幾行

二
擬

細雨濕黃梅深院閒堦處處苔抱得鈿箏防泥損慵開
為誰搗取早歸來 有路到天台欲寄封書沒個媒窻
外芭蕉聲作陣可猜那有相如奏賦才

三
擬

細雨濕秋風金鳳花殘滿地紅閒蹙黛眉慵不語情濃
舊恨新愁知幾重 飛鴈過遙空歲月如流只向東簾
捲曲房誰共醉匆匆惆悵秦樓恁日逢

四
擬

細雨濕同雲繡倦鴛鴦五色紋凝望天涯音信杳微曛
打窻風雪不堪聞 倚徧舊籠薰淚痕空沁石榴裙自
捻腰圍牢約準東君莫比今宵減幾分

南唐馮延巳細雨濕流光詞余蚤歲極愛之
因按腔廣為四首蓋四十年前之作也癸卯
梅月偶於小樓敞書中翻出才情減退老為
侵尋為之憮然者久之

風入松

山居冬曉和胡
明庵祭酒韻

溪山如畫客初歸年近古來稀
踈籬曲徑霜天曉江梅
早已放南枝近日過從絕少
連朝臥起偏遲風從竹
裏弄漣漪宿鳥恰驚飛
人生得意須行樂
思往事幾墮
危機花外小車隱隱
林間高閣依依

儼山集卷二十四

欽定四庫全書

儼山集卷二十五

明 陸深 撰

詩話 三十二則

袁御史海叟能詩國朝以來未見其比有海叟集予為
編修時嘗與李獻吉夢陽何仲默景明校選其集孫
世祺繼芳刻在湖廣獻吉謂海叟諸詩白燕最下最
傳故新集遂刪之嘗聞故老云會稽楊維禎廉夫以

詩豪東南賦白燕其警句云珠簾十二中間捲玉剪
一雙高下飛時海叟在座意若不滿遂賦一首云故
國飄零事已非舊時王謝見應稀月明漢水初無影
雪滿梁園尚未歸柳絮池塘香入夢梨花庭院冷侵
衣趙家姊妹多相忌莫向昭陽殿裏飛廉夫擊節歎
賞遂廢已作手書數紙盡散座客一時聲名振起人
稱為袁白燕姜南明叔云朱簾玉剪乃常熟時大本
之作其全篇云春社年年帶雪歸海棠庭院月爭輝

珠簾十二中間捲玉剪一雙高下飛天下公侯誇紫
頷國中儔侶尚烏衣江湖多少閒鷗鷺宜與同盟伴
釣磯謂為尤工但所記海叟首句不如故國飄零事
已非為勝明叔又記顧文昱白鴈云萬里西風吹羽
儀獨傳霜翰向南飛蘆花映月迷清影湘水涵秋點
素輝錦瑟夜調冰作柱玉關曉度雪霑衣天涯兄弟
離羣久皓首江湖猶未歸明叔謂三詩可相頡頏大
抵咏物詩體不免要粘帶頗累氣格三詩必有能辨

之者文煜字光遠姑蘇人

陳思王七步詩世所傳誦云煮豆燃豆其豆在釜中泣
本是同根生相煎何太急世說所載微殊又餘二言
云煮豆時作糜漉豉以為汁其在釜中燃豆在釜中
泣本是同根生相煎何太急世說撰於宋臨川王劉
義慶時去魏未遠當覈未知何是本詩但其在釜中
燃於理差礙爾

晉人工造語如潘安仁詩叙表兄弟云子親伊姑我父

惟舅直是雅暢若在唐以下諸公口須汝親我姑我
父汝舅成文耳

古名手詩有絕類如蹈襲者鮑明遠客行有苦樂但問
客何行與嵇叔夏從軍有苦樂但問所從誰陶靖節
雞鳴桑樹顛狗吠深巷中與古曲雞鳴高樹顛狗吠
深宮中詞旨何異及李太白白苧與明遠本詞才有
移易顛倒耳他不能盡記豈古人重相擬與

古人詩語有不可解者如劉越石宣尼悲獲麟西狩泣

孔丘二句重複如此

歐陽公杜彬琵琶皮作弦曾虎臣能改齋漫錄載一說云彈琵琶妙在指撥硬杜彬琵琶如彈皮弦然若絲弦則斷矣所以喻其妙也即四弦一聲如裂帛之意頗為造理段成式酉陽雜俎載段師能彈琵琶用皮弦賀懷智撥彈之不能成聲則似真有皮弦矣或謂古琵琶用鷓鴣筋作弦元楊瑀又記畏吾兒人閭閻世習銅弦曰余親見聞之漫書于此

世傳曹景宗競病韻詩為沈約輩所驚歎南史所載我
昔在鄉里騎快馬如龍與年少輩數十騎拓弓弦作
霹靂聲箭如餓鷓叫平澤中逐麋數肋射之渴飲其
血饑食其胃甜如甘露漿覺耳後生風鼻頭出火此
樂使人忘死不知老之將至今來揚州作貴人動轉
不得路行開車幔小人輒言不可閉置車中如三日
新婦此悒悒使人氣盡此段文亦豪宕

陳思王集惟洛神賦為最沈約答陸厥書云以洛神比

陳思他賦有似異手之作當時論已如此近抄陸內
史士衡集亦惟文賦為最他皆不及乃知人不數篇
而傳之遠者必文也

漢書蒯通贊自春秋以來禍敗多矣而下減去一昔字
兩而字皆七字成文分明是一篇詩特少叶韻耳其
簡質若此贊東方朔則有韻矣首陽為拙柱下為工
飽食安步以仕易農依隱玩世詭時不逢此與銘詩
何異

退之詩於叙事處特有筆力如兒童見稱說祝身得如
斯儕輩妬且慙喘如竹筒吹老婦願嫁女約不論財
貲老翁不量力累月笞其兒攪攪爭附託無人角雄
雌數句曲盡登科時人情物態千載如新但此格本
自木蘭焦仲卿來下此則俚俗元白之流派有韻之
文章是已學者博取之可也

贈張籍詠雪一篇歐陽公不以隨車翻縞帶逐馬撒銀
杯為工而以坳中初蓋底坳處遂成堆為勝但此亦

未盡體物之妙蓋雪之初下必雜霰而輕細是凹處
易於攢聚高處正難粘綴耳至於松篁遭挫抑糞壤
獲饒培有激昂憤厲之氣若隱匿瑕疵盡包羅委瑣
該則所感者深矣

一瞬即七里箭馳猶是難檣邊走嵐翠枕底失風湍但
訝猿鳥定不知霜月寒前賢竟何益此地誤垂竿此
謝靈運七里瀨詩也其格律與唐人何辨乃知濫觴
已遠沈宋猶是後塵爾

宋思陵有中秋夜月詩作擘窠行草甚奇偉嘗見其石刻落句全用東坡看潮寄語重門休上鑰夜潮留向月中看只換三字云分付九門休上鑰便是帝王口氣矣

詩句有相似而非相襲者然亦各有工拙杜甫云江清歌扇底野曠舞衣前儲光曦云竹吹留歌扇蓮香入舞衣李義山云鏤月為歌扇裁雲作舞衣劉希夷云池月憐歌扇山雲愛舞衣老杜格高但歌舞於清江

曠野之中固不若竹下荷邊之韻池月山雲之句風
情興致藹藹政自可人

王摩詰渭城朝雨之詩謂之陽關三疊相傳已久而歌
疊不傳或曰凡三歌之恐或不然或曰首歌全句次
歌五字又次歌尾三字句凡三歌謂之三疊亦未必
其果然否也

折楊柳古曲名多用以詠笛李太白洛城聞笛此夜曲
中聞折柳何人不起故園情杜工部聞笛故園楊柳

今搖落何得愁中却盡生吾鄉袁御史景文亦有聞
笛落句云天邊楊柳雖無數短葉長條非故園景文
工詩師法少陵其詩有集而笛詩俱用楊柳故園事
興致各不同與世之擗捨者異矣識者能自辨之故
園事當本於桓伊

東坡嘗欲刪去柳子厚漁父詞後兩句予亦欲取李太
白關山月節却後四句不知古今人所見同耶否

文選所載漢蘇李詩蘇東坡以為齊梁間小兒所擬非

真當時詩也古文苑又載蘇李詩七首文苑後出尤可致疑杜子美云李陵蘇武是吾師然世必有真蘇李詩當是何等又曰五言起於蘇李豈作始者固不傳耶

圍棋世稱為手談又曰坐隱二字蓋晉人語也可入詩三代以後君臣間隔近時尤甚獨講筵一時真所謂天顏咫尺也正德間上聽講希闕七年四月十二日上御文華殿時講官石祭酒瑤字邦彥吳學士一鵬字

南夫邦彥講論語大哉堯之為君章南夫講尚書天
秩有禮章深時初為展書官班於殿西南隅因憶比
為庶吉士時內閣試經筵宴罷有述詩曰御廊宴罷
侍經還轉覺微忱報稱難輪直每陳香案拜隔宵先
進講章看但祈聖聽頻傾注祇託遺經保治安論語
尚書俱次第春秋還擬進螭端是日適講論語尚書
豈非預定所謂詩識者耶但春秋之義未知如何耳
同年劉寓生字竒進石首人在同館中最年少疎宥有

美質試聞鴈詩竒進立就曰秋至人間增客思况聞
秋鴈過皇都數聲到枕渾如舊幾隻穿雲不受呼自
惜短翎驚歲月可憐寒影遍江湖海天愁鬢那堪汝
故國音書得到無衆皆歎賞檢討汪器之偉閱其卷
謂之曰詩甚佳須作御史耳寒影遍於江湖非御史
何官也後竟受御史出貴州為權姦所誣幸不死

國初越僧曇噩字夢堂能詩一日聞劉孟熙績唐處敬
肅諸詩人遊集曹娥祠乃微服求載船尾衆見而惡

之方分韻即景賦詩靈忽作禮曰若有剗韻願布施
一箇衆異而拈蕉字與之靈應聲吟曰平明飯罷促
篙梢纜解五雲門外橋去越王城三十里到曹娥渡
八分潮白飄春雪柳花舞綠弄晚風蒲葉搖西北陰
雲天欲雨恐驚蓬頂學芭蕉一座盡驚曰子得非靈
夢堂乎遂與之共遊

餘姚楊軾字軾同嘗寓寧波延慶寺時僧房雞冠花盛
開賦魚字韻詩云絳幘昂藏錦不如臨風欲鬪又躊

踏若教夜半能三唱驚起山僧打木魚
軾宣正間人
卒於天順中

于肅愍公謙以才器有社稷功觀其題太行近體詩亦
足以冠冕時輩漫錄于此信馬行行過太行一川野
色近蒼茫雲蒸雨氣千峯暗樹帶溪聲五月涼世事
無端成蝶夢畏途隨處轉羊腸解鞍盤礴星軺驛却
上高樓望故鄉茫茫遠樹隔煙霏獵獵西風振客衣
山雨未晴嵐氣濕溪流欲盡水聲微回車廟古丹青

老碗子城荒草木稀
珍重狄公千載意
馬頭重見白雲飛

丁酉出蜀自西陵北上
遇一郡守亦是相識人
送予郭外致辭曰
本欲遣一官相送
老先生是朝廷大臣
誰不奉承予笑而謝之
坐輿中自惟曰
斯言可以自了
不足以了人
復吃吃笑不休
因閱高達夫別董大
一絕云
十里黃雲白日曛
北風吹雁雪紛紛
莫愁前路無知己
天下誰人不識君
乃知唐人已有此

丙寅歲與李員外夢陽夜坐以芳樹為題作一字至七
字詩蓋唐已有此體矣張南史詠草云草草折宜看
好滿地生催人老金殿玉階荒城古道青青千里遙
悵悵三春早每逢南北別離乍逐東西傾倒一身本
是山中人聊與王孫慰懷抱

霍渭涯謂三字亦可成體是在詩經與琴操古樂府已
具天馬歌通篇用三字鮑照春日行云獻歲發吾將
行春山茂春日明園中鳥多嘉聲梅始發桃始青汎

舟艫齊櫂驚奏采菱歌鹿鳴風微起波微生絃亦發
酒亦傾入蓮池折桂枝芳袖動芬葉披兩相思兩不
知深謂三字語既短簡聲易促澁貴在和婉有餘韻
令嫋嫋耳如此詩落句是也

鄉前輩朱岐鳳名應祥敏於辭翰為一時所驚服嘗有
一絕句云江面微風瀉浪開鳥聲啼過釣魚臺煖雲
欲作桃花雨一片陰從柳外來

予作一小閣在方丈池上當春夏之交小雨時至池

面無風倚闌佇目歌簡齋平池受細雨之句殊為幽
絕日華初動和風徐來則吹皺一池春水之詞愈見
有工詩貴實境如是

宋中書舍人朱翌新仲有詠摺疊扇一詞云宮紗蜂趕
梅寶扇鸞開翅數摺聚清風一捻生秋意搖搖雲母
輕裊裊瓊枝細莫解玉連環怕作飛花墜然則北宋
時已有之矣古詩并畫中所見團扇羽扇耳不知摺
疊扇起於何時而今遂盛用之耶

登山涉水之間專事賦詩則反礙真樂葉石林記陳后
山每登覽得句即急歸臥一榻以被蒙首家人知之
即猫犬皆逐去嬰兒稚子亦皆抱持寄鄰家徐待其
起就筆硯即詩已成乃敢復常大是為詩所苦大抵
江山既勝風日又佳從以良朋韻士便當極躋攀眺
望之興罷從燈下或月夕追憶所遇歷歷在目然後
發之詩文庶幾各極其慳而無累矣

趙松雪有墨竹在崇德士人家吾鄉華亭衛董先生題

一絕句其上云漢家日暮龍沙遠南國春深水殿寒
留得一枝煙雨裏又隨人去報平安其子仲穆善畫
蘭勾曲張伯雨題之曰滋蘭九畹空多種何似墨池
三兩花近日國香零落盡王孫芳草遍天涯二詩婉
潤頗相當聞仲穆曾見之遂絕筆於蘭而松雪惜不
見竹詩也

儼山集卷二十五

欽定四庫全書

儼山集卷二十六

明 陸深 撰

冊

應制擬撰皇天上帝冊文

伏以浩蕩難名萬物被生成之德高明在上一人嚴昭
事之誠蓋神莫尊於天而乾實稱爲父遍伸曠典適當
眇躬恭惟昊天上帝一氣感通四時成歲佑人家國每

形仁愛之心福我邦圻益致聰明之助左右列聖陰隲
下民迨于沖人特隆大庇爰自宗藩入繼臨御十有八
年迄今眷命維新坐受四夷萬國全付以君師之任宛
同乎父子之傳每荷元慈深慙克肖陽爲賞陰爲罰懋
成亭毒之功日重輝月重輪廣運中和之德勉圖報稱
莫罄名言惟是尊崇載揚大美彼清虛一大之說已涉
不經况郊禘六天之文僅成巫史慨自周家制作之後
沿於漢儒傳會之餘魏晉傷繁隋唐過濫自茲以降曾

何足云欲章無二之尊願洗千古之陋惟我祖考若未
暇於一朝顧此典彝如有待於今日是用請之九聖告
于百神恭上寶冊曰皇天上帝庶明主宰之大義用極
尊親之至情裕後光前郁郁之文斯在居高聽下恢恢
之量維容伏願穹顛居歆羣黎徧德精誠仰達永承泰
稷之馨香明照俯臨尚冀牛羊之右享敢昭鴻號敬藉
休光

表

賀景雲表

恭遇嘉靖十七年九月十九日景雲見者臣等誠懼誠
忤頓首頓首稱賀上言伏以太平有象雲呈五色之奇
聖壽無疆雷動千官之祝惟皇天景垂霄漢由聖人德
至山陵事罕前聞人爭快覩茲蓋伏遇皇帝陛下道通
玄極德合神明奉三無私永爲民物之主宰應五百運
達觀禮樂之會通嘗謂敬莫大於享天乃若孝宜先於
嚴父爰求典則用究精微四郊九廟之鼎新二祖七宗

之對越崇禋太室肇啓明堂配享之禮將行感應之機
先動時維季秋之月日臨巳丑之辰有雲自天浮空抱
日非烟非霧氤氳璀璨以爲章如圉如輪舒卷悠揚而
有氣適當丙巳漸向明離戢干戈於四夷如颺露布兆
子孫於千億蓋取雲仍矧王相悉合於土行迺休滋方
進於水德列詩書而無愧寫琰琬以增輝天亦何言人
皆有目雖傾海嶽難旣揄揚皇上方且謙讓於未遑惟
祈默報禮官遂竭精誠而固請浹月始從此大聖人之

所作爲而古帝王之所未有者也臣等徒深踴躍莫效
涓埃感覆曷生成之恩焉知帝力仰流通契合之妙粗
識天心堯望方隆企昭回於紛郁舜歌載績揚爛縵於
風聲瞻丹陛以蟻旋下彤庭之虎拜自天有命紀至瑞
於百僚望氣成文護真龍於九五臣等無任瞻天仰聖
欣躍之至謹奉表稱賀以聞

聖駕巡幸承天恭視顯陵禮成賀表

伏以大孝統天旋轉法乾坤之運至仁御世晶華合日

月之明禮重山陵恩覃梓里茲蓋伏遇皇帝陛下聖由
天縱性本生知視四海爲一家運天下於掌上循憂勤
惕勵之道居不遑寧妙鼓舞作興之機身先率物德純
不已文王之所以爲文善取諸人大舜於是乎爲大
有典有則無怠無荒永懷豐鎬之故都風軫園陵之大
事禮詳法制義取巡行誕告多方爰摠獨斷下九天之
仙蹕肅萬騎於雲屯士氣騰懼人心望幸旌旗聯駱總
列宿於北辰輦輅迢迢薄大江於南紀先驅響應屬車

景從故以三千里之郵程僅供兩旬日之足力萬靈擁
衛一德感通風伯雨師前清塵而後灑道嶽神川后高
降福而早效靈少駐帝鄉載瞻王氣望鼎湖之龍已遠
悵華表之鶴方還堂隧來同橋山啓秘躬親卜兆何閔
曾之孝足云兼試省方舉舜禹之隆以續可謂一舉而
大備是誠千載之希逢者也臣等叨扈聖輿仰承彝典
漢高之過沛上惟侈歌詞光武之入南陽徒私親貴粵
遠稽於往牒孰有盛於明時慶協天人光增海寓利見

龍飛於舊邸何啻衣錦鄉之榮式貽燕翼於名藩佇聞
湯沐邑之賚陽春白雪和簫韶於九成郢樹荆門震蒿呼
之萬歲益勤贊頌奚罄名言伏願帝治垂衣百代永金
甌之固皇圖磐石萬年延寶祚之長臣等無任瞻天仰
聖欣躍感戴之至謹上表稱賀以聞

大駕迴鑾賀表

伏以六飛告至大慰都人就日之心三台既平式符太
史占天之法禮隆仁孝功蓋乾坤茲蓋伏遇皇帝陛下

天與人歸聖文神武紹二祖七宗之統得三王五帝之
傳鴻烈駿厖懋樹無前之績羅圖寶籙方開有道之長
臨御十有八年邁德三千餘載父天母地尊祖敬宗握
天子之權以行天子之事居聖人之位而得聖人之時
誠大有爲真不世出四郊並建總條貫於百王九廟鼎
新煥文章於三代主鬯得託分茅有人比承慈闈之上
昇軫念顯陵之中隔躬行展謁親事卜征汎掃松楸敬
恭桑梓光賁飛龍之邨某水某丘詩陳鳴鴈之篇一遊

一豫蓋王度極於無外而天子必也有親爰自啟行旋
及竣事惜寸陰之隙粵有萬幾推一孝之端可徧四海
適彰渙汗誕告迴鑿惟聖人以天下爲家然明主必宅
中圖大寢園載肅輿輅既匡號令速於風行歡聲鼓爲
雷動會諸侯於方嶽寔巖後至之誅禮百神於行朝益
妙先天之用暨敷恩澤載沛德音復賦蠲租每自近以
達遠睦宗綏族蓋由親以及疎舉千古之曠儀無非事
者成一王之典禮有足徵焉馳道三千還期兩月念宗

廟社稷之重，雨夜兼程，忘舟車鞍馬之勞，星霜並戴，蜂
屯蟻附，緣途見喜色之欣欣，虎步龍行，遠道瞻聖容之
穆穆，揮毫落紙，時有賡歌，授几開筵，常霑寵宴，鄙周王
之歷塊八駿，奚爲陋漢武之橫汾三疊，安取未有人君
之盛節，乃若今日之大成者也。臣等夙荷恩慈，仰叨涵
育，扈從多幸，恭承帝賚之駢蕃，居守何功，欣覩天顏於
咫尺，妥靈宗祏，額手臣工，虎豹九關，儼高居之上，帝雲
龍千載，慶嘉會於一時，伏願良福咸和，乾剛廣運，無逸

乃逸用收位育之功日新又新以保雍熙之治臣等無任瞻天仰聖欣戴踴躍之至謹上表稱賀以聞

應制擬撰請慈表

伏以昊天罔極難名鞠育之恩日月不居永抱幽明之恨屬嘉平之四日憶昇舉之初年情若茹荼叩地號天之靡及事同逝水瞻雲愛日以何從今則條屆大祥再移寒序園陵迢遞悵迷漢水之風煙几殿悲涼愴履玉階之霜露雖禮有盡於先王之制而哀難窮於孝子之

心欽惟皇妣慈孝貞順仁敬誠一安天誕聖獻皇后聖
靈慈儉性成睿明天賦昔佐先帝德昭彤管之音肆佑
眇躬運啟蘿圖之祚俛天作合流淑化于二南儷極居
尊正母儀于四國詎意曜輪匿景月殿淪輝六宮莫覩
於風儀萬姓盡同於雨泣白雲千載仙遊之歲月何長
玄序三冬人世之光陰易邁以今特假昇玄之醮用伸
追遠之誠恭陳鳳座於玄堂肅迓虬軒于丹陛伏願白
蜺青駟並嚴駕以遙臨蘭殿椒房覽故宮而延佇咫尺

儼如存之日清虛登極樂之天瑤饌瓊羞少設崑丘之
宴寶燈華燭暫爲絳闕之留鑿沖子之至誠洋洋乎如
臨其上眷諸孫之在鞠煦煦然若寘于懷遺麻誕集於
宮闈景福永綏於廟柘無任激切瞻仰之至謹具表祈
請以聞

儼山集卷二十六

欽定四庫全書

儼山集卷二十七

明 陸深 撰

奏疏

擬論取回都督僉事許泰軍中家人狀

臣近見取回許泰家人某等十幾人某等皆勇悍武夫
止堪殺賊之用泰託爲父子同以生死已非一日矣今
朝廷方用泰泰方用此輩不識陛下何爲而取之廝養

下材過蒙特召祖宗以來並無事例况此輩姓名遠在行伍不識陛下又何由而知之訪得近日盜賊肆行無忌所畏者獨許泰一軍耳泰所以能使賊畏者不過敢死當先而已此輩正許泰敢死當先腹心之士若其攻堅陷陣皆能以一當十其於許泰若左右手不可一時離明矣臣料陛下不過聞其便捷騎射欲取而試之耳而道路流言洶洶可懼或謂有人欲忌許泰之成功或謂姦人陰主此策以剪許泰之爪牙而欲以泰委賊者

此其無稽萬不出此儻相傳播未必不生賊間諜之計也况秦亦武人未知義命一旦奪其所恃蹤跡孤危加以流言必懷疑豫志日分而氣日索矣欲望其如前日之敢死當先勢必不能此其關係實非小小臣愚以爲陛下於某人等到京之日姑試其能即爲犒賞或薄加名目或面賜獎言即還之於秦以終其所事則天下皆謂陛下神聖不惟深知許秦之功而併與許秦之爪牙心腹皆悉知之庶幾邊將知所激勸而賊滅有日矣臣

不勝私憂過計冒昧以聞

擬處置鹽法事宜狀

臣近日伏見兩淮長蘆之間商賈嗷嗷怨聲載道問之皆云勢要奪其利故也臣謹按鹽課一事本因海澤自然之利以克邊方緩急之儲於國計甚便然使朝廷墮實惠而不下商賈畏空名而不來則蠹亦甚矣祖宗時設立各處轉運提舉等司僉竈以辦稅置倉以收鹽建官以蒞政設法以開中其要在於通商而已大抵商益

通則利益厚此立法之本意也且窮邊絕塞輸轉極難之地而能使商賈挾貨負重以往隨令而足比至戶部給引派場涉歷萬里動踰歲年又况守支存積徒冒虛名仍復買補魚貫聽掣其辛苦如此勢要之人妄干恩典動以百萬往參其間馮陵假借支則盡支掣則便掣所經官司曲爲奉承雖憲臣亦將有投鼠忌器之嫌彼將何憚而不爲乎小人營利之心寧有厭足大率彼通一分則此塞一分自然之數也夫能得商賈力以利驅之

耳彼既以有利而來亦必以無利而去又自然之勢也矧以彼之辛苦對此之徼倖交易之間又相懸絕坐使自然之利上不歸於朝廷中不在於商賈下不藏於民間雖天地亦將厭棄之臣實懼焉仰惟皇上軫念立法之本意靳惜恩澤不妄施與然後其他條畫次第可舉行矣臣又按今天下權鹽之地兩淮爲上兩浙次之而弊端亦於二處爲多然尤大壞鹽法之端有二焉其一則竈丁苦於兼并其一則今日勢要之侵利是也然於

兩浙又微不同大抵壞兩淮之鹽法者多勢要壞兩浙之鹽法者多私販而竈丁之苦則一而已矣蓋淮浙之鹽出於人力非若河東天造地設不勞之利也其法在於曬土爲鹵煮鹵成鹽以鹽納官然而逋負多而國課損者何也夫欲曬土必有攤場欲煮鹵必有草蕩今之場蕩悉爲總催者所并而鹽課又爲總催所欺竈丁不過總催家一傭工而已煎煮之法名存實亡而總催者下欺竈力上負國課百計遷延以覲一赦而已伊欲處

之在於盡復竈丁之場蕩而盡懲總催之姦欺則其弊可息矣浙中私販之徒以拒捕爲常以殺人爲戲驟不可剪則比之勢要差爲易處苟使出鹽之地捕其買者之市家行鹽之地捕其賣者之市行而悉置於法則其黨可空矣非若勢要之家蛇蟠卵翼不可一旦去也今日得侵兩淮長蘆之鹽利者雖曰朝廷業已許之然終非法意臣以爲與其壞天下之大法寧傷數人之私恩必使小人之姦無所容而後已夫上之支中盡歸於商

賈下之場蕩盡歸於竈丁則商通課足而鹽法不行者未之有也謀利之事君子所羞臣恐利未興而害作故得備而論之謹狀伏候進止

稽古禮以崇祀典事

臣聞禮可以義起事待人而行竊照本監文廟春秋二祭累朝列聖制遣元臣主行羣僚陪列迨我皇上紹統克懋前修益弘敬理可謂情文兼備無所間然者矣顧秋丁一祭正當伏暑之餘况今歲十月置閏炎蒸猶存

誠恐浹辰之間陳設犧牲不無變動殊非馨香潔清之

義

臣

心思之至久至熟義有未安謹按周禮祭祀其冰

鑑說者謂以禦溫氣記又有之曰伐冰之家傳者謂卿

大夫以上祭祀用冰夫秋暑何止於溫氣文廟難同於

世家況於天子之所饗者乎臣又按凌人冰政經見禮

詩實聖人燮理之方而祭祀之用為急知神明感通之

妙而備物之意當求見今京師藏冰至多尤宜致用茲

云義起蓋有待行伏惟皇上天縱聖明動求古義是誠

千載一時也伏乞淵衷少賜裁度急修冰鑑之儀以爲復古之兆仍下所司永爲遵守庶幾神明饗而和氣應矣

乞恩認罪以全大體事

臣於嘉靖八年三月初二日經筵輪該臣講孟子書隔夜借宿於工部廠中溫習諷誦間心有未安誠恐於感格之道未切故於講畢叩頭之後謬爲面奏當蒙慰旨正在臚唱平身未畢之際委的有紊禮儀是臣知而故

犯也合當萬死臣念經筵奏事百年所無之典也陛下臨御千古所無之聖也臣慙愚起自山野感荷千古所無之聖而欲舉此百年所無之典心跡牽礙遂至犯禮伏望聖明矜宥臣不勝隕越待罪之至

陳愚見以裨聖學事

臣遭際聖明備員講讀昨因講章未安特於文華面奏臣之爲此者恃有陛下堯舜之主耳果蒙溫旨非臣捐軀所能報也彼時威嚴之下未盡愚衷先行犯禮故退

而待罪方將具論所以不意又蒙慰旨是陛下既宥之
辜而復誘之使盡言是誠千載一時也臣請盡言之伏
惟聖明采擇焉臣謹按經筵一事關係匪輕輔養君德
尤爲首務因以策勵臣節者亦不少也何則君父在前
威顏咫尺爲之臣子者儼然拜起布義陳詞說孝說忠
說仁說義說廉說恥說禮說讓若使反之於身而一無
所有鮮不至於愧汗而聽者誰則信之故必勉加修踐
之功而後可收感孚之效是以講章必出講官之手者

其意蓋在於此非徒以便誦說爲也然須有溫潤之氣以具告君之體此非輔臣鮮克舉之所以必送內閣改定者誠欲畧去粗疎鄙野之狀以養夫親近儒臣之心其意又在於此非徒以美文辭爲也臣竊思之熟矣臣豈敢不顧舊規直行已志若以此勸講是未誠也何益聖學當時面奏講章義理多未浹洽所包甚廣意不止於文辭已也伏讀聖諭益增戰兢是臣之愚倉卒未能上達爾且今內閣無所不統舊規俱帶知經筵事又皆

老於文學之臣講說更改宜有精義者此特小節耳第使講章盡出內閣之意而講官不過口宣之此於義理深有未安而交孚相感之道遠矣此臣之所爲諍也伏望俯察愚誠特諭內閣只將講章一節優容臣等各陳所見而內閣因得以考觀臣等之淺深至於義理往復藻潤迭如何所不可豈止於閱看而已臣愚意欲請自訓詁衍繹之外於凡天下大政事大利弊皆得依經比義條列類陳庶幾九卿百司有行之而不能盡給事中

御史有知之而不敢言司府州縣有負之而不能達者皆得以次上聞則主勢日尊聖學日遠而臣等亦得附之以進修矣區區一得之愚如此此臣之心也臣少而戇愚晚年悔過荷蒙陛下特達之知每欲因事納忠以佐維新之化特患無路耳若復不知服善希變舊章則死有餘辜矣更何面目復望清光乎伏惟聖明垂察則臣之效忠者方自此始耳

貪酷官員枉法人命重傷憲體等事

嘉靖九年九月十五日據山西太原府陽曲縣儒學附
學生員劉鏜家人劉鉞抱告本年七月內蒙本縣將劉
鏜叔父劉文宗僉作社副比時文宗因買賣不在被積
害老人王良却將鏜父劉文寬朦朧呈縣不料知縣某
當將鏜父用大板痛打三十監禁至九月初五日釋放
擡回重傷至本月初九日身死等因隨據陽曲縣知縣
某申稱本縣建立社倉僉報正副據原委老人王良呈
稱西關都社首楊奉社正副劉文宗各抗拒不服拘喚

隨拘楊奉劉文宗到縣問擬不應杖罪不知因何病故
劉鏜倚恃生員節赴各衙門妄稟等情各詞到臣俱經
案候外臣先於本月初九日晚與按察使潘鑑一同回
司忽見門外跪一生員叫聲有父被某知縣三十打死
時將昏黑臣與潘鑑言或是膚受之愬諭使且去至十
二日臣在提學道復見前生投狀臣已識認問曰汝父
果死否答言已死三四日矣臣始惻然曰此狀該赴察
院按察司告如有冤枉方與伸理本生當去訖至十四

日臣同三司進入察院作揖出至門外知縣某慌忙跪告曰有一生員父親是知縣三十打死今糾合生員四五十人要行報復情願抵命衆未發言是臣職掌即令聽事吏探看隨同三司出門止見劉鏜一人衣巾裏頭在外餘無所見至司臣與潘鑑言昨日赴道告訴亦是至情憲長該與准理潘鑑是臣同年舉人委曲對臣說我昨日曾見此告但前日是察院放告日子彼既不受我不好受他臣曰此非憲體須臾吏人來報察院將劉

鐘禡去衣巾送陽曲縣上庫責打二十釘上手鈕發太原府監了其人垂命矣臣愕然曰何得有此方纔與潘鑑說昨日憲長若與准理辯其曲直豈有今日不曾見世上人父親被人打死察院去告不准按察司又告不准本道又不能准又遭非法刑打如此是甚道理且衣巾是祖宗制服必須結罪退黜仍與本道知會方可施行無乃侵奪職掌乎凡徒罪以上方上手刑今罪狀未白遽施此酷無乃有乖憲體乎只得一面令人分付太

原府囑其且顧性命而已潘鑑向臣說不妨當進察院
討出臣曰不好若討不出後無着矣至明旦月望該臣
詣文廟行香畢見一老婦持狀號哭諸生環告冤苦臣
亦爲之墮淚慰令各散復進察院作揖窺伺淺深延至
後堂三司旁坐茶話已畢出至前堂候立間並無言說
有左布政使楊叔通按察使潘鑑上前北面稟說此事
臣與都司馬縉東面却立以俟但見監察御史某微笑
說昨日劉鐘是某知縣來稟故將刑責亦是他父子之

情上手鈕頗重了我心不安既然送按察司罷共揖而出臣對三司曰父子之情刑具之過幸大巡已知之此人心之所以不死也我輩可以忘言矣至十六日復進作揖亦至後堂旁坐如故此時御史某先受譖言豫作怒色厲聲曰如何秀才們糾合四五十人扛打知縣是何體面便是知縣打死一人豈可便提知縣對理况某知縣是箇好官衆秀才們却去太府都府告狀色微在臣臣乃獨起立從容辯解曰秀才即不會聚衆三司共

見若是知縣賢否自有耳目昨來父子至情刑法已過
先生大人兩言甚明我輩亦甚服之只此可了不須張
皇釀作大事方始笑頷曰是我聽之過矣却向潘鑑又
說知縣余昇問贓一百三十兩也中一場進士來可與
減免些潘鑑起曰此贓該給主某又笑曰若是給主可
補虛領子罷潘鑑欠伸承命而起不知向後作何處置
臣本書生初叨藩臬日逐聞見如此爲之驚駭且父子
天下之至情也父死非命竟無控訴之地止餘一子排

入陷坑察院按察司天子之耳目也全不奉法惟任一已之私敢於庇姦有同淵藪此非聖世所宜有也仰惟皇上好生之仁同符堯舜而山西之地密邇京畿豈容賣弄威福顛倒是非一至於此臣今忝法官不得不爲陛下言之叅照知縣某兇虐之姿貪饕之性一方士民怨入骨髓所犯實跡逐一開陳此特據臣之所知耳臣之所不能知者尚多也但其憑仗錢神巧爲因糧假道之計合無照依朝覲考察事例先行罷黜特勅法司差

官根究再照監察御史某不諳大體動違憲綱知善不舉見惡不拿巡按一方委的失職此特據臣之所見耳臣之所不及見者尚多也但恐別有所長似非堂下之人能辯合無候其巡按已滿回道之日特勅都察院嚴加考察庶幾國法正而治功明矣

衰病不職乞恩致仕事

竊照臣年五十四歲係直隸松江府上海縣人由弘治十八年進士欽授翰林院編修歷陞國子監祭酒充經

廷講官嘉靖八年三月內於文華殿面奏繼又不合言
事周章奉旨降調福建延平府同知領憑赴任訖本年
九月內蒙陞今職依期於今年四月十一日前到山西
管理學政不闕外念臣賦性迂愚叨塵任使頃以庶僚
敢搖內閣茲膺方面復忤監臨本欲自結明主之知而
不知先已陷身於衆怒群猜之地外難展布內蓄憂疑
有臣如此陛下將焉用之况臣係南人不服山西水土
舊患疾火麻痺等證不時舉發虛炎上攻兩目昏眊陰

濁下泄便溺頻繁其於校閱關防殊覺廢力見今奉行
沙汰來歲又屬開科度非臣之精力所能辦也伏乞查
照見行事例將臣罷黜以爲罷軟不職之戒如蒙聖慈
尚存記憶特勅該部容臣致仕以爲儒臣進退之榮是
陛下始終保全之恩當圖死生銜結之報臣無任望闕
待命惓惓

欽定四庫全書

儼山集
卷二十七

十四



儼山集卷二十七